



REPUBLIKA E SHQIPËRISË

MINISTRIA E FINANCAVE DHE EKONOMISË  
DREJTORIA E PËRGJITHSHME E HARMONIZIMIT TË KONTROLLIT TË  
BRENDSHËM FINANCIAR PUBLIK  
DREJTORIA E PËRGJITHSHME E BUXTETIT DHE BORXHIT PUBLIK  
DREJTORIA E PËRGJITHSHME E THESARIT

UDHËZIM

5628/1

Nr. 91 Datë 20.3 2018

20.3.18

“PËR  
PROCEDURAT E ZBATIMIT TË BUXTETIT PËR NJËSITË E QEVERISJES SË  
PËRGJITHSHME QË PËRDORIN SISTEMIN INFORMATIK FINANCIAR TË  
QEVERISË”

Në mbështetje të nenit 104, pika 4 e Kushtetutës së Republikës së Shqipërisë, nenit 38 të ligjit nr.9936, datë 26.06.2008, “Për Menaxhimin e Sistemit Buxhetor në Republikën e Shqipërisë”, nenit 6, gërmë ç) dhe nenit 12 gërmë ë) të ligjit nr.10296, datë 08.07.2010, “Për Menaxhimin Financiar dhe Kontrollin”, të ndryshuar, Ministri i Financave dhe Ekonomisë;

UDHËZON:

I. TË PËRGJITHSHME

1. Ky udhëzim përcakton procedurën që ndiqet për zbatimin e buxhetit nga njësitet e qeverisjes së përgjithshme që përdorin direkt Sistemin Informatik Financiar të Qeverisë (SIFQ), si dhe dhënien e të drejtës për përdorimin direkt të SIFQ për kontabilizimin dhe raportimin e transaksioneve financiare.
2. Njësitet e qeverisjes së përgjithshme pranohen nga Ministri përgjegjës për Financat, me propozim të strukturës përgjegjëse për thesarit, në bazë të kritereve të përzgjedhjes dhe protokollit të pranimit të vendosura nga Ministri përgjegjës për Financat.
3. E drejta e përdorimit jepet në fazat e kryerjes së transaksioneve të fondeve publike si më poshtë vijon:

- a. Për procesin e detajimit të fondeve buxhetore për njësitë shpenzuese në fillim të vitiit buxhetor, me burim buxhetin e shtetit apo të ardhurat e veta (Moduli i Buxhetit, Libri i Madh). Në këtë fazë e drejta e përdorimit jepet vetëm për nivelin e parë hierarkik të njësisë së qeverisjes së përgjithshme.
  - b. Për procesin e rishpérndarjes së fondeve buxhetore gjatë vitiit ndërmjet strukturave buxhetore të njësive të vetëqeverisjes vendore (Moduli i Buxhetit, Libri i Madh). Në këtë fazë, e drejta e përdorimit jepet vetëm për nivelin e parë hierarkik të njësisë së qeverisjes vendore.
  - c. Për procesin e rishpérndarjes së fondeve buxhetore gjatë vitiit brenda të njëjtit program, kapitull dhe artikull të shpenzimeve korrente, midis njësive shpenzuese të njësisë qëndrore (Moduli i Buxhetit, Libri i Madh). Në këtë fazë, e drejta e përdorimit jepet vetëm për nivelin e parë hierarkik të njësisë së qeverisjes qëndrore (Aparati).
  - d. Për procesin e para-angazhimit të fondeve publike (Moduli i Blerjeve, Libri i Madh). Në këtë fazë, e drejta e përdorimit jepet për nivelin e parë hierarkik dhe për njësitë e varësisë të njësisë së qeverisjes së përgjithshme.
  - e. Për procesin e angazhimit të fondeve publike (Moduli i Blerjeve, Libri i Madh). Në këtë fazë, e drejta e përdorimit jepet për nivelin e parë hierarkik dhe për njësitë e varësisë të njësisë së qeverisjes së përgjithshme.
  - f. Për procesin e konstatimit të shpenzimit të kryer (Moduli i Llogarive të Pagueshme, Libri i Madh). Në këtë fazë, e drejta e përdorimit jepet për nivelin e parë hierarkik dhe për njësitë e varësisë të njësisë së qeverisjes së përgjithshme.
  - g. Për procesin e administrimit të aktiveve (Moduli i Aktiveve Afatgjata, Libri i Madh). Në këtë fazë e drejta e përdorimit jepet për nivelin e parë hierarkik dhe për njësitë e varësisë të njësisë së qeverisjes së përgjithshme.
  - h. Për procesin e raportimit financiar (Libri i Madh i kontabilitetit). Në këtë fazë jepet e drejta e hetimit të transaksioneve dhe gjenerimit të raporteve financiare periodike për vendimmarrjen dhe pasqyrat vjetore financiare për çdo nivel të njësisë së qeverisjes së përgjithshme.
4. Përdorimi i moduleve sipas pikës 3 bëhet sipas udhëzuesit teknik të përdoruesit të SIFQ.
5. SIFQ plotëson kërkosat e kontabilitetit dhe raportimit financiar të gjitha niveleve të njësive të qeverisjes së përgjithshme dhe mund të zëvendësojë sistemet manuale apo informatike financiare të brendshme të këtyre njësive. SIFQ nuk zëvendëson sistemin e kontabilitetit financiar analistik për administrimin e aktiveve afatshkurtra jofinanciare (gjendjet e inventarit dhe prodhimit në proces).
6. Gjatë procesit të zbatimit të buxhetit, Nëpunësi Zbatues i çdo nivelit të njësisë së qeverisjes së përgjithshme mbështetet nga strukturat/nëpunësit në varësi të tij respektivisht (i) struktura/nëpunësi përgjegjës për planifikimin dhe monitorimin e buxhetit dhe (ii) struktura/nëpunësi përgjegjës për zbatimin e buxhetit dhe raportimin financiar.

## **II. PROCEDURAT STANDARDE TË SHPËRNDARJES DHE RISHPËRNDARJES TË FONDEVE TË BUXHETIT VJETOR**

7. Për njësitë qendrore që veprojnë direkt SIFQ, buxheti vjetor dhe afat mesëm i detajuar dërgohet nga nëpunësit autorizues të nivelit të dytë zyrtarisht dhe në formë elektronike tek nivelet eprore të njësisë qëndrore deri tek organi qëndror i njësisë (Aparati). Detajimi i buxhetit vjetor dhe afat mesëm për të gjitha nivelet e njësisë qëndrore regjistrohet në SIFQ nga struktura për planifikimin dhe monitorimin e buxhetit të njësisë qëndrore, konfirmohet në sistem nga Nëpunësi Zbatues i njësisë qëndrore dhe miratohet përfundimisht nga Nëpunësi Autorizues i njësisë qëndrore. Më pas detajimi vjetor dhe afat mesem i buxhetit i njoftohet zyrtarisht njësive të varësisë.
8. Nëpunësi autorizues gjatë procesit të shqyrtimit të kërkesave mbështetet nga nëpunësi zbatues. Nëpunësi zbatues kontrollon nëse kërkesa është në përputhje me buxhetin e miratuar, përbledh kërkesat e drejtuesve të programeve dhe i paraqet tek nëpunësi autorizues i cili, miraton rishpërndarjet e fondeve brenda të njëjtë program, kapitull dhe artikull të shpenzimeve korrente, midis njësive të ndryshme shpenzuese në varësi të njësisë qëndrore që mbulon. Rishpërndarja e fondeve buxhetore sipas kësaj pike regjistrohet në SIFQ nga struktura për planifikimin dhe monitorimin e buxhetit të organit qëndror të njësisë qëndrore (Aparati), konfirmohet në sistem nga Nëpunësi Zbatues dhe miratohet përfundimisht nga Nëpunësi Autorizues i njësisë qëndrore. Më pas rishpërndarja e fondeve i njoftohet zyrtarisht njësive të varësisë.
9. Për njësitë qendrore që veprojnë direkt SIFQ, nëpunësi zbatues i njësisë qendrore njoftohet zyrtarisht nga nëpunësi autorizues i njësisë për miratimin e planit të arkës, por mund të verifikojë direkt në SIFQ gjendjen e planit për çdo njësi shpenzuese të varësisë. Me marrjen dijeni nëpunësi zbatues organizon procesin e brendshëm në njësi për regjistrimin e planit të arkës në kontabilitetin e njësive të vartësisë që nuk kanë të drejtën e përdorimit të SIFQ.
10. Njësitë e vetëqeverisjes vendore që veprojnë direkt SIFQ, pas verifikimit të vendimit të këshillit për buxhetin nga prefekti i qarkut në përputhje me kompetencat sipas ligjit “Për Prefektin”, edhe në rastin kur prefekti e ka kthyer pa miratim, por këshilli nuk e merr parasysh vendimin e prefektit, pasqyrat e buxhetit në nivel agregat; entitet, program, artikull dhe kapitull, i dërgojnë në strukturën përgjegjëse për thesin në degë, në përputhje me rregullat dhe formatet e kërkua nga kjo e fundit për regjistrim në SIFQ.  
Detajimi i buxhetit vjetor dhe afat mesëm në nivelin e njësive shpenzuese regjistrohet në SIFQ nga struktura për planifikimin dhe monitorimin e buxhetit të njësisë së qeverisjes vendore të nivelit të parë hierarkik, konfirmohet në sistem nga Nëpunësi Zbatues dhe miratohet përfundimisht nga Nëpunësi Autorizues i njësisë së vetëqeverisjes vendore. Më pas detajimi i fondeve i njoftohet zyrtarisht njësive të varësisë.
11. Në rastet e miratimit të buxhetit në nivel programi, rishpërndarjet:
  - a. ndërmjet programeve miratohen nga këshilli i njësisë së qeverisjes vendore;
  - b. ndërmjet projekteve të investimeve, brenda të njëjtë program, miratohen nga kryetari i njësisë së qeverisjes vendore;

- c. ndërmjet zérave të shpenzimeve korrente, brenda të njëjtë program, miratohen nga kryetari i njësisë së qeverisjes vendore;
  - d. brenda të njëjtë program dhe zërit të shpenzimeve korrente, ndërmjet njësive të ndryshme shpenzuese, miratohen nga nëpunësi autorizues i njësisë së qeverisjes vendore nga e cila varet njësia shpenzuese.
12. Rishpérndarjet e buxhetit ndërmjet programeve dhe/ose ndërmjet grupeve të llogarive ekonomike (Kategoria 6 - Shpenzimet operative; kategoria 23 - Investimet) do të regjistrohen në SIFQ nga struktura për planifikimin dhe monitorimin e buxhetit të njësisë së qeverisjes vendore të nivelit të parë hierarkik, konfirmohen në sistem nga Nëpunësi Zbatues, më pas do të konfirmohen nga Nëpunësi Autorizues i njësisë së vetëqeverisjes vendore dhe do të miratohen përfundimisht nga dega respektive e thesarit.
13. Rishpérndarjet e buxhetit brenda të njejtë program dhe/ose brenda të njëjtë grup të llogarisë ekonomike (Kategoria 6 - Shpenzimet operative, Kategoria 23 - Investimet) do të rregjistrohen në sistem nga struktura për planifikimin dhe monitorimin e buxhetit të njësisë së qeverisjes vendore të nivelit të parë hierarkik, konfirmohen në sistem nga Nëpunësi Zbatues dhe miratohen përfundimisht nga Nëpunësi Autorizues i kësaj njësie.
14. Rishpérndarjet në plan thesari të cilat rrjedhin nga rishpérndarjet e buxhetit si më sipër, do të rregjistrohen në sistem nga struktura për planifikimin dhe monitorimin e buxhetit të njësisë së qeverisjes vendore të nivelit të parë hierarkik, konfirmohen në sistem nga Nëpunësi Zbatues dhe miratohen përfundimisht nga Nëpunësi Autorizues i kësaj njësie.

### **III. PROCEDURAT PËR KRYERJEN E SHPENZIMEVE**

15. Nëpunësi Zbatues i njësisë procedon me dhënien e opinionit financier përpara aprovimit përfundimtar nga Nëpunësi Autorizues në dy fazat e para të kryerjes së transaksionit të shpenzimit:
- a. **Faza para-angazhimit financier.** Struktura e zbatimit të buxhetit në varësi të Nëpunësit Zbatues, pas marrjes së njoftimit nga struktura e prokurimit, kryen kontrollin e përputhshmërisë ligjore, krahason vlerën e prokurimit të kërkuar me nivelin e planifikuar të shpenzimeve për aktivitetin/ nënprogramin/ programin buxhetor respektiv dhe llogarinë ekonomike të kontabilitetit nëpërmjet regjistrimit në SIFQ. Nëpunësi Zbatues kryen kontrollin dokumentar të përputhshmërisë si dhe të fondeve në SIFQ dhe në përfundim të procesit konfirmon direkt në SIFQ ngurtësimin e fondeve për prokurimin në fjalë, ose paraqet opinionin negativ zyrtarisht pranë Nëpunësit Autorizues. Urdhër prokurimi autorizohet nga struktura përgjegjëse e thesari në degë përpara se të fillojë procesi i prokurimit. Në rastin e prokurimeve të përqëndruara në njësi të ndryshme qëndrore, njësia qëndrore përgjegjëse për kryerjen e prokurimit fillon procedurën e tenderimit vetëm pas marrjes së njoftimit zyrtar nga Nëpunësi Autorizues i njësissë administruese të fondeve publike (Autoriteti Kontraktor) lidhur me ngurtësimin e fondeve në SIFQ.
  - b. **Faza e angazhimit financier.** Nëpunësi Zbatues merr njoftim nga struktura përgjegjëse për prokurimet për përfundimin e procesit të prokurimit që shoqërohet me nënshkrim kontrate për blerje dhe shërbime, procedon me dhënien e opinionit pas kontrollit të njoftimit përfundimtar

zyrtar për shpalljen e fituesit, shpalljen në buletinin e prokurimeve publike dhe negocimit të kontratës për afatet e pagesave.

16. Nëpunesi autorizues i njësisë së qeverisjes së përgjithshme miraton përfundimisht në sistemin SIFQ bllokimin e fondeve në fazën e para-angazhimit. Pas marrjes së opinionit nga Nëpunësi Zbatues sipas pikës 12/b më sipër, Nëpunësi Autorizues nënshkruan kontratën dhe/ose urdhrin e prokurimit për blerjet dhe shërbimet me vlera të vogla.
17. Struktura e zbatimit të buxhetit në varësi të Nëpunësit Zbatues të njësisë respektive regjistron menjëherë në sistemin SIFQ kontratën (referencat, vlerën totale të kontratës, vlerën e kontratës që parashikohet të likuidohet gjatë vitit korrent, grafikun e shlyerjes së kontratës, referencat e operatorit ekonomik) ose urdhrin e prokurimit për blerjet e vogla sipas rastit. Pas miratimit në SIFQ nga nëpunësi zbatues dhe nëpunësi autorizues i njësisë **brenda pesë ditëve pune nga nënshkrimi i tyre**, dokumentacioni fizik si më sipër paraqitet në gjuhën shqipe (në rastin e kontratave të lidhura në gjuhë të huaj) bashkë me njoftimin përfundimtar zyrtar për shpalljen e fituesit, në strukturën përgjegjëse për thesarin në degë. Nëpunësi i thesarit kryen kontrollin dokumentar në prani të përfaqësuesit të njësisë dhe bën të vlefshëm përfundimisht transaksionin në librin e kontabilitetit të SIFQ. Moszbatimi i afatit të mësipërm mund të shkaktojë vonesa në likuidimin e pagesës nga sistemi i thesarit. Penalitetet kontraktuale të shkaktuara nga kjo vonesë janë në ngarkim të njësisë respektive.
18. Në rastin e kontratave afatgjata, struktura e zbatimit të buxhetit në varësi të Nëpunësit Zbatues rregjistron në SIFQ në total kontratën dhe vlera e mbetur e kontratës shumëvjeçare rishikohet në fillim të vitit tjetër buxhetor në funksion të punimeve të kryera (shpenzimeve faktike) të vitit të mëparshëm buxhetor sipas vlerave përkatëse, për çdo vit të buxhetit të miratuar trevjecar. Nëse kohëzgjatja e kontratës shumëvjeçare shkon përtej periudhës trevjecare të ligjit të miratuar të buxhetit, pjesa e mbetur e vlerës së kontratës, pas rregjistrimit të vlerave për cdo vit të buxhetit të miratuar trevjeçar, rregjistrohet në vitin buxhetor pasardhës që vjen menjëherë pas vitit të fundit të ligjit të miratuar të buxhetit trevjeçar.
19. Struktura e thesarit në degë në të gjitha fazat e kryerjes së transaksionit kontrollon saktësinë e klasifikimit buxhetor të shpenzimit, dokumentacionin mbështetës, e miraton dhe procedon me bërjen përfundimisht të vlefshëm të transaksionit në librin e madh të kontabilitetit në SIFQ.
20. Me regjistrimin në SIFQ të dokumenteve të mësipërme, bëhet bllokimi i fondeve buxhetore (regjistrohet angazhimi) për shpenzim. Struktura e zbatimit të buxhetit në varësi të Nëpunësit Zbatues vendos mbi dokument numrin elektronik sekuencial të vendosur nga sistemi, i cili duhet respektuar nga njësia e qeverisjes së përgjithshme në urdhërin për shpenzim/pagesë.
21. Në rastet kur njësia e qeverisjes se përgjithshme anullon (i) ngurtësimin e fondeve në rast dështimi të procesit të prokurimit, (ii) pjesërisht ose totalisht kontratën e lidhur më parë (të konfirmuar nga operatori ekonomik) dhe të regjistruar në SIFQ, anullimi pjesor apo total i vlerës së prokurimit ose kontratës do të bëhet përkatësish pas zyrtarizimit të dështimit të procesit të prokurimit ose pas konfirmimit zyrtar nga operatori ekonomik (për kontratën).
22. Nëse të gjitha dokumentat janë të plota dhe të sakta struktura e zbatimit të buxhetit në vartësi të Nëpunësit Zbatues të njësisë krijon në SIFQ urdhër shpenzimin elektronik, i cili konfirmohet nga Nëpunësi Zbatues. Në rastin e kundërt personat përgjegjës rishikojnë dokumentat.

23. Nëpunësi Autorizues i njësisë së qeverisjes së përgjithshme miraton në SIFQ urdhër shpenzimin me referencat përkatëse. Nënshkrimi/miratimi i urdhër shpenzimit nga Nëpunësi Autorizues përbën njëkohësht vërtetimin për shpenzimin e kryer për sistemin e thesarit
24. Çdo fillim dite Nëpunësi Zbatues kontrollon në SIFQ statusin e urdhër shpenzimeve të regjistruarë një ditë më parë (të miratuara ose jo nga thesari), si dhe statusin e pagesave të ekzekutuarë apo të kthyera mbaprash nga thesari. Në rastet e kthimit të pagesave nga sistemi bankar, struktura përgjegjëse për thesarit kryen veprimet përkatëse në SIFQ dhe njofton elektronikisht njësinë shpenzuese mbi motivin e kthimit të pagesës dhe referencat e saj. Më pas njësia shpenzuese regjistron në sistem me saktësimet përkatëse urdhër shpenzimin duke kaluar të gjitha hapat e miratimit të saj.
25. Për pagesat ndërmjet njësive të qeverisjes së përgjithshme (përfshi brenda njësisë shpenzuese), njësia e qeverisjes së përgjithshme mund të procedojë me transferime/xhirime të brendshme direkt në SIFQ pa levizje të mjeteve monetare që prekin llogarinë e unifikuar të thesarit. Këto xhirime apo transferta të brendshme pasqyrohen në të njëjtën kohë në librin e madh të kontabilitetit finanziar në SIFQ si shpenzim për njësinë e qeverisjes së përgjithshme paguese dhe të ardhur për njësinë e qeverisjes së përgjithshme përfituese.
26. Për transaksionet lidhur me vlerën e prokurimit, vlerën e kontratës, urdhrit për shpenzim si dhe të transaksioneve të brendshme të regjistruarë dhe miratuara nga Nëpunësi Zbatues dhe Nëpunësi Aprovues i njësisë shpenzuese me akses direkt në SIFQ, njësia shpenzuese do të dërgojë paralelisht në degën përkatëse të thesarit dokumentacionin fizik justifikues të përcaktuar në këtë udhëzimin. Nëpunësi i degës përkatëse të thesarit, përgjegjës për shpenzimet, pasi kontrollon saktësinë e kontabilizimit të transaksionit në SIFQ dhe dokumentave fizike mbështetëse të tyre bën të vlefshëm përfundimisht transaksionin në librin e kontabilitetit të SIFQ-it. Ky proces do të vazhdojë për një periudhë tranzitore deri në implementimin nga Ministria përgjegjëse për Financat të arkivës elektronike për arkivimin elektronik të dokumentacionit mbështetës të transaksioneve financiare të zbatimit të buxhetit të njësive të qeverisjes së përgjithshme.
27. Përdorimi i modulit të aktiveve afatgjata do të kryhet në përputhje me Udhëzimin Nr.30, datë 27.12.2011, "Për menaxhimin e aktiveve në njësitë e sektorit publik". Regjistrimi i aktiveve do të bëhet në SIFQ.
28. Në rastet e zëvendësimit të përdoruesve të sistemit me përdorues të rinj ose në rastet e delegimit të funksioneve personave të tjerë për miratimin e transaksioneve brenda njësisë shpenzuese, kjo e fundit duhet të njoftojë zyrtarisht Ministrinë përgjegjëse për Financat duke përcaktuar qartë: emrin, mbiemrin, pozicionin e punës, afatin kohor të delegimit dhe datëlindjen e personit zëvendësues apo të deleguar dhe atij që zëvendësohet.
29. Në bazë të ligjit 10296, nenit 15, delegimi i të drejtës nuk shoqërohet me delegimin e përgjegjësisë. Nëpunësi Autorizues ose Zbatues pavarësisht se mund të delegojnë një pjesë të kompetencave, ruajnë të drejtën e hetimit të transaksioneve të kryera nga personat e deleguar në SIFQ dhe mund t'i heqin në çdo kohë të drejtën e përdorimit të sistemit SIFQ personave të deleguar. Njoftimi dërgohet menjëherë në Ministrinë e Financave, pranë strukturës përgjegjëse për administrimin e SIFQ.


Paraqitura skematike e procedurave të këtij udhëzimi jepet në formën e gjurmës së auditimit për zbatimin e buxhetit si më poshtë.

- a. Shtojca 1 – Gjurma e Auditit për shpërndarjen dhe rishpërndarjen e fondeve të buxhetit vjetor;
  - b. Shtojca 2 – Gjurma e Auditit për ekzekutimin e shpenzimeve publike;
  - c. Udhëzuesi teknik i përdoruesit të SIFQ do të shpërndahet elektronikisht.
30. Udhëzimi nr.8, datë 26.04.2016 “Për procedurat e zbatimit të buxhetit për njësitë e qeverisjes së përgjithshme që përdorin sistemin informatik financiar të qeverisë”, shfuqizohet.


Udhëzimi hyn në fuqi pas botimit në fletoren zyrtare.




# Gjurma e Auditimit për procedurat e shperndarjes se fondeve buxhetore Faqe 1/4



## Gjurma e Auditit per procedurat e rishperndarjes se fondeve buxhetore Faqe 2/4



Gjurma e Auditimit për procedurat e shpern<sup>3</sup>darjes se fondeve buxhetore Faqe 3/4



## Zbatimi i Buxhetit Faqe 4/4

### Simbolet dhe Shkurtimet

**Fillimi / Fundi**

Fillimi, ose mbarimi i një aktiviteti

**NA**  
1. Miraton buxhetin e detajuar  
2. E dërgon tek MF

Aktiviteti

**A mund të marrë vendim NA**


Marrja e vendimit

**Kërkesa**

Dokumenti që përftohet manualisht

Për projektet kapitale, duhet marrë opinionin i DPB dhe i DMIP)

Komenti për aktivitetin ose dokumentin



Sistemi i IT-së

**A**

Lidhet me faqen tjeter

**AA**

Lidhet me informacione më të hollësishme

↔ Kjo shenje tregon bashkepunim midis strukturave

SPPMB-Struktura Pergjegjese per Planifikimin dhe Monitorimin e Buxhetit

(DPB) – Drejtore funksionet qe tregohen ne kllapa jane Strukturat Mbeshtetese te Nepunesit Autorizues, ose titullarit

MoF – Ministria e Financave

SIFQ – Sistemi Informatik Financiar i Qeverise

NPA – Nëpunësi i Parë Autorizues (Sekretari i Përgjithshëm në MF)

NA – Nëpunësi Autorizues në Ministrinë e Linjës

NjQQ – Njësia e Qeverisjes Qendrore (Ministria e Linjës)

DPB – Drejtoria e Përgjithshme e Buxhetit në MF

NjSh – Njësia Shpenzuese

MF – Ministri i Financave

KM – Keshilli i Ministrave


DPTH – Drejtoria e Pergjithshme e Thesarit

NJQH/MFK – Njësia Qendrore e Harmonizimit te Menaxhimit Financiar dhe Kontrollit

NAND – Nepunesi Autorizues I Nivelit te Dyte Njësia


Shpenzuese

## Gjurma Standarte e Auditimit për Ekzekutimin e Shpenzimeve 1/5




## Gjurma Standarte e Auditimit për Ekzekutimin e Shpenzimeve 2/5


### Njësitë e Qeverisjes së Përgjithshme




### Struktura Përgjegjëse për Thesarin



## Gjurma Standarte e Auditimit për Ekzekutimin e Shpenzimeve 3/5




## Gjurma Standarte e Auditimit për Ekzekutimin e Shpenzimeve 4/5



# Gjurma Standarte e Auditimit për Ekzekutimin e Shpenzimeve 5/5

## Simbolet dhe Shkurtimet



NPA – Nepunesi i Pare Autorizues

NA – Nëpunësi Autorizues i NjQP

NZ – Nëpunësi Zbatues i NjQP

TSA – Llogaria e Unifikuar e Thesarit

SPTh – Struktura Pergjegjese per Thesarin (perfshin strukturen qendrore te thesarit ne MF dhe Deget e Thesarit)

NjQP – Njësitë e Qeverisjes së Përgjithshme

NjQQ – Njësitë e Qeverisjes Qendrore

NjQV – Njesite e Qeverisjes Vendore

BSh – Banka e Shqipërisë

BND – Banka e Nivelit te Dytë

MF – Ministria e Financave

USH -Urdher shpenzim